



UNIVERSITÄTS-  
BIBLIOTHEK  
PADERBORN

**Poesis Sacra Sive Vitae, Mortis, Et Resurrectionis  
Salvatoris Nostri Jesu Christi Historia**

**Hermanni, Joachim Heinrich von**

**Hildesii, 1743**

**VD18 10904743**

7mò. Prædicatio Christi de extremo Judicii Die.

---

[urn:nbn:de:hbz:466:1-68828](https://nbn-resolving.org/urn:nbn:de:hbz:466:1-68828)

POESEOS SACRÆ ET PARTIS SECUNDÆ  
INDUCTIO SEPTIMA.

S, MATTH. CAP. 24.

Vigilate ergo, quia nescitis, quâ horâ Dominus vester venturus sit. Illud autem scitote, quoniam si sciret Paterfamilias, quâ horâ fur venturus esset, vigilaret utique, & non fuisset perfodi domum suam; ideo & vos estote parati: quia, quâ nescitis, horâ Filius hominis venturus est &c.

SYNOPSIS.

*Dominus & Salvator noster Jesus Christus continuando prædicationem suam, & Regnum Dei annuntiando, per insignes parabolas hortatur tam discipulos suos, quàm universam auditorum multitudinem ut summâ cum attentione severum extremi iudicii diem observent.*

Quantus, ut errantes in tuta reduceret agnos,  
Eriperetque lupis, præcordia dulcia Christi  
Inflammârit amor, docet irrequieta laborum  
Prægravium series. Hominum zelosus amator  
Frigora multa pati non detrectavit & æstus  
Solis, & hybernos imbres, transmittere sævos  
Oceani fluctus, altos transcendere montes,  
Currere continuo per plana, per aspera gressu;  
Nec dubitavit humi vigiles traducere noctes.  
Quodque magis gemuit, molémque onerosius au-  
Exantlare simul debebat ubique scatentes (xit,  
E Stygio barathro, Pharisaica probra, procellas.  
Ast velut adversis prudens Nauclerus in undis  
Magnanimo clavi moderamine turgida frangit  
Æquora, nunc rectâ, nunc obliquante carinâ,  
Impiger; & Pelagi Caurique obnititur iræ:  
Sic licet obfistat monitis Pharisaicus ardor,  
Scribarumque dolus; tamen hic furor irritus illum  
Non magis impedit, quàm parvula nubila Solem.  
Continuans Christus solito fervore fideles  
Dogmatibus recreare sacris, contemnere fastum

Conversos docuit; nullo livore teneri;  
 Nunquam spurca loqui; nunquam promissa mori  
 Declinare malos; semper sincera referre;  
 Nec blandam speciem tacitæ prætere fraudi  
 Sed quæ grata Deo, quæ conducentia Mundo,  
 Clámque palámque, ioro licet indignante, profari  
 Nè vos cura gravet circa bona temporis hujus:  
 Quæ Mundus tribuit, subitis rapit unguibus ætas  
 Sed quæ Cœlesti fundo nituntur, adinstar  
 Marmoreæ rupis durant, quæ sæpe tumultu  
 Truditur Æolio; sed inani vapulat ausu  
 Quid vos conturbat? dabit omnipotentia Patris  
 Ex Superùm penubus \* bona sufficientia, quando  
 Præcipuo, quæ sunt Cœlestia, quæritis actu.  
 Luc. Si pater œconomus sub Sole cadente reversus  
 12. Ad sua tecta, videt servos vigilare, placebit  
 Matt. Sedulitas reduci: si postea seriùs illos  
 24. Inveniat pariter vigilando tecta tueri,  
 Gaudebit meritò: sed quando novissima noctis  
 Tempora præteritis videt associare, tuendo  
 Ostia, ne fures incustodita sagaci  
 Surripiant furto Domini patrimonia; multò  
 Plus exultabit, summis curámque fidémque  
 Laudibus exornans Ergo vigilate! supinæ  
 Laurea desidiæ præbetur nulla. Nitescant  
 In manibus vestris accensæ lampadis ignes,  
 Et lumbos vestros strictâ præcingite zonâ;  
 Ut, si per Superos præfixa advenerit hora,  
 Sitis ad instantis fati suprema parati:  
 Una dies nigris abscondita nubibus, omnes  
 Observare docet. Simon ad singula nervum  
 Intendens animi, cupido rogat ore: Magister  
 Quæ tam mirificâ vocum gravitate peroras, V

\* *Aliàs Heterocliton,*

Vel nos concernunt solos, vel fortè frequentem, *Luc.*  
 Quæ nos condense circumdedit agmine, turbam? <sup>12.</sup>  
 Christus ait: Quidam Dominus dum fortè remotum  
 Aggrederetur iter, super omnia prædia fidum  
 Constituit servum, sub conditione severâ:  
 Si bene tractâisset sibi demandata, profectò  
 Esse coronandum dignâ mercede; vicissim,  
 Si malè, plectendum sicut lex æqua requirit.  
 Post reditum Domini probat exactissimus ordo  
 Gestorumque fides, commissa negotia servo  
 Mutata in melius. Quid jam tibi, Petre, videtur  
 Evenisse viro, qui sedulitate probatâ  
 Absentis Domini quæsit commodâ? nunquid  
 Eximias præter laudes recreatus opimo  
 Munere, constitui super hæc, et plura meretur?  
 Sin, quod sæpe solet, servus neglexit heriles  
 Proventus; aut si fidei sub imagine falsâ  
 Clâm rapiat fructus, alios malè tractet, edendo  
 Potandoque sui reditus decoxerit agri;  
 Hisque superveniat Dominus, videatque sinistro  
 Eventu cecidisse vices, servumque malignis  
 Actibus ingentes agri rapuisse labores;  
 Quid, Petre, promeruit servus nequissimus ille?  
 Nonne statim censes, hunc, pro gravitate reatûs  
 Munere dejectum, legum meruisse rigorem?  
 Quis vocet in dubium? servus qui verberare fecit  
 Digna, sed ignorans peccavit, pauca subibit  
 Verbera; sed Domini qui novit jussa, negatque  
 Obsequium, multis meruit livescere plagis.  
 Hi, quibus ampla dedit Dominus curanda, tenen-  
 De lucris amplam rationem reddere; parvam (tur-  
 Contra de parvis; quâ disparitate remotâ  
 Orba basi solidâ rueret prudentia juris,

Hæc

Hæc sunt clara nimis, nec sunt incognita vulgæ  
 Communésque minæ cedros humilésque myricæ  
 Percutiunt. Ignem, quem veni mittere, nunquam  
 Ut flammis animos accendat, jugiter opto?  
 Luc. Memagnum remoratur opus, nimitumq; coarctat  
 12. Baptismus, quo, sponte quidem, debebo lavari  
 Pax infigne bonum; sed non sum missus, ut illam  
 Notificem Mundo; res injucunda relatu!  
 Ex sermone meo veniet sejunctio nati  
 A genitore, nurûs à socru; nulla manebit  
 Indivisa domus: sum prægustator amari,  
 In me discordes jaciunt sua spicula mentes:  
 Hic amat, hic odit; sed qui sunt vera secuti,  
 Consolidare queunt, quid quid discordia solvit  
 Ad turbas mox versus ait: Distinguere scitis  
 A sudo nebulas, tempestatemque futuram  
 Ex nimbis, quos Auster agit, non omine laevo  
 Conjicitis; sed quæ vos ignorantia tantis  
 Involvit tenebris, ut aperto lumine Cœli,  
 Quæ spectant propriam, lubeat nescire, salutem.  
 Luce repleta dies nitet, acceptabile tempus  
 Vivitur, et bifores Cœlorum Regia valvas,  
 Ut quicumque volet, subeat, vivâtque, repandit.  
 Joan. Sum VIA Cœlestis rectissima, Duxque salutis  
 14. 6. VITA beans animam; Divini Essentia VERI.  
 Per me respirat, quidquid prostravit Avernum  
 O Petre! disponit pulchro Deus ordine cunctas  
 Progenies hominum, summisq; subordinat imos  
 Ut populis præeant excultis moribus isti;  
 Hi monstrata sibi virtutum exempla sequantur  
 Estis Apostolici proceres, quos Christus, iturus  
 Ad Patrem, vigiles sacro præfecit Ovili  
 Pastores. Sunt qui modò vestra sedilia grandi  
 Majestæ

Majestate premunt ; horum succendite corda,  
 Ut sibi commissos ad pascua vera salutis  
 Deducant agnos , & pabula sana ministrant:  
 Obsequiosa pios mores imitabitur omnis (Orci  
 Subdita turba : secus ; quantam sub plaufibus  
 Pessima Magnatum facient exempla ruinam!  
 Unumquemque quidem, licet ut Gangeticus ales  
 Phoenix humano loca nunquam pervia gressu  
 Incolat , obstringit Dominus sua jussa tenere:  
 Ast exempla trahunt: nunquam cecidisset Adam,  
 Si prægustatrix mulier frenâisset hiantem  
 Ingluviem. Crebrò Scriptura fatetur , Hebræum  
 Hunc illumve Ducem causâsse piacula gentis.  
 Pastorem sectatur ovis , nec flumina terrent  
 Asperitasque viæ ; præeunti semper adhæret  
 Grex totus : felix , si pascua tuta dedisti!  
 Infelix nimium , si te præeunte peribit!  
 Quod me terrificâ quatit anxietate dolorum,  
 Est ignota dies , quâ sum fortassè vocandus  
 Ad rigidum Christi , nullo comitante, Tribunal.  
 Outinam primo rationis præditus usu,  
 Quando superficiem rerum, non intima, captis,  
 Aspiciens oculis , hærebam in cortice solo,  
 Talia sollicitis studuissem volvere curis!  
 Thebaidos , Christi virtute juvante , recessus  
 Forsitan , aut alios saltus , conviva ferarum,  
 Totior intrâssem. Genialem Cæsaris Aulam  
 Felix Arsenius sterili mutavit eremo:  
 Ipse Quirinales prudens Hieronymus arces,  
 Quò sic liberiùs Cælo Superisque vacaret,  
 Ad Bethlemiaci secessûs claustra reversus,  
 Deseruit. Sed quò raperis pia Musa? referre(rum,  
 Omnes, qui Mundum, cùm sit domus ampla malo-

De-

Deseruere, suo contenti vivere Christo,  
 Est infinitos conari scribere fastos.  
 Ad te, mi Jesu, sacrum converto poemam,  
 Invigilare mones, & præcipis esse paratos,  
 Adjiciens causam; quia sunt ignota tremenda  
 Tempora Judicii: monitum servabo, priusquam  
 Ex portu vitæ laxem mea carbasa. Serò  
 Et nimium serò sapiunt, qui puppe soluta  
 Appositis remis, missisque in carbasa ventis  
 Præcipiti cupiunt comites se jungere nisu. (be  
 Hannibal ante fores, nunquam concedit in  
 Subsidium mitti. Martem conscribere, quam  
 Hostis inundat agros, & bella ferocia fervent  
 Est stolidi remorantis opem. Non desere Jesu  
 Conantem tua jussa sequi! fac esse paratos  
 Ante diem mortis, quos exundante cruore  
 Emisti pretio; ne deprædator iniquus  
 Præripiat superis hæc pignora debita Regnis  
 Vos quibus Empyreï super alta cacumina Regni  
 Ad latus immensi datur invigilare Monarchæ  
 Præ reliquis sacra Virgo parens, Michaëlq; super  
 Militiæ Princeps, Cherubim, Seraphimque, beati  
 Illustrésque Dei proceres, primique Ministri  
 Tota Beatorum, quos Cœli Regia cingit,  
 Turba triumphatrix, Stygiis inimica rapinis  
 Auscultate, rogo, nostrisque precatibus auxilium  
 Acclinate: sumus, sumus, ah! cogente tremendo  
 Judice, in extremo positi discrimine fluxi  
 Temporis; exactæ nox ingruit ultima vitæ  
 Iudicii fasces crepitant; proscenia morbus  
 Et subducta quies aperit; mens sorte futura  
 Pressa, remetitur fugitivi temporis actus;  
 Et quæ tam multis interlabentibus annis

Adversus Domini præcepta patravit, amaro  
 Deplorat gemitu: furit implacabilis Orci  
 In nos barbaries; numerat peccata, cupitque,  
 Ut, quia tam carò steterit sibi solus & unus  
 Ambitionis amor, nostris quoque congrua factis  
 Horrisono tonitru quatiat sententia fontes.  
 Ehe! quàm justus timor, & trepidatio nostras  
 Irruit in fibras, animasque exire parantes  
 Verberat assultu nimio. Pia curia Cœli  
 Aspicias hanc luctam! tantò velocior ergò  
 His succurre malis: in nostrum flecte favorem  
 Judicii libram; supremi Judicis iram  
 Frange piis precibus; profliga Dæmonis astus,  
 Inque salutiferæ nos duc consortia vitæ.

POESEOS SACRÆ ET PARTIS SECUNDÆ  
 INDUCTIO OCTAVA.

S. MATTHÆUS. CAP. IO.

Et convocatis duodecim Discipulis suis, dedit illis potesta-  
 tem spirituum immundorum, ut ejicerent eos, & cura-  
 rent omnem languorem, & omnem infirmitatem. Duode-  
 cim autem Apostolorum nomina sunt hæc: Primus Simon,  
 qui dicitur Petrus, & Andreas frater ejus, Jacobus Zebedæi,  
 & Joannes frater ejus, Philippus & Bartholomæus, Tho-  
 mas & Matthæus publicanus, Jacobus Alphæi, & Thaddæus,  
 Simon Chananæus, & Judas Iscariotes, qui tradidit eum &c.

SYNOPSIS.

*Dominus & Salvator noster Jesus Christus ex Discipulis suis  
 duodecim Apostolos elegit, qui per univèrsam terrarum Or-  
 bem Regnum Dei annuntiant, & concessâ facultate miracula  
 patrândi, eos super providâ conversatione cum hominibus  
 sollicitè instruit.*

Quanta penes Superos vigeat perfectio pulchri  
 Ordinis, eximio vetus & nova Pagina sacræ

Com